

CYNGOR DOSBARTH MEIRIONNYDD

IS-DDEDDFAU PERTHNASOL I HARBWR ABERDYFI A HARBWR ABERMAW

Mae Cyngor Dosbarth Meirionnydd, wrth ymarfer yr awdurdod roddwyd arnynt, mewn perthynas a Harbwr Aberdyfi gan Erthygl 28 o Orchymyn Awdurdodaeth Harbwr Aberdyfi 1972 a'r holl bwerau eraill a'i galluogodd i wneud hyn, ac mewn perthynas i Harbwr Abermaw gan adran 83 o Ddeddf Cymalau Glanfeydd, Dociau a Harbwr 1847 ac fel ei cymhwysir gan adrannau 37 a 40 o Ddeddf Cyngor Dosbarth Dinesig Abermaw 1929, a'r holl bwerau eraill a'i galluogodd i wneud hyn, drwy hyn yn gwneud yr is-ddeddfau sydd i'w cadw, ac ar gyfer rheoli a llywodraethu'r Harbwr yn Aberdyfi ac Abermaw:-

Dyfywiad a Dechreuad

1. Gellir dyfynnu'r Is-Ddeddfau hyn fel Is-Ddeddfau Harbwr Aberdyfi a Harbwr Abermaw 1983, a dânt i rym ar ddiwedd un mis o'r diwrnod y cadarnheir hwy gan yr Ysgrifennydd Gwladol.

Dirymiad

2. Fe ddirymir drwy hyn bob is-ddeddf flaenorol wnaed ar gyfer rheoli Harbwr Aberdyfi a Harbwr Abermaw.

Dehongliad

3. Yn yr is-ddeddfau hyn, onibai bod gofynion y cyd-destun yn wahanol:-

Golyga'r 'Rheolau Gwrthdrawiad' reolau wnaed dan Ddeddf Llongau Masnach 1894;

golyga 'Y Cyngor' Cyngor Dosbarth Meirionnydd sy'n gweithredu mewn perthynas a'r harbwr;

golyga 'yr harbwr' un ai Harbwr Aberdyfi fel a ddiffinir yn Erthygl 2 o Orchymyn Awdurdodaeth Harbwr Aberdyfi 1972 ac a ddangosir ar y plan a gedwir fel canlyniad i hyn, neu yn achos Abermaw, yr harbwr fel ei diffinir yn adran 45 o Ddeddf Cyngor Dosbarth Dinesig Abermaw 1929, ac a ddangosir ar y plan a gedwir fel canlyniad i hyn, ac mewn perthynas ar ddau harbwr, y tiroedd, adeiladau, gweithfeydd, offer, eiddo a chyfleusterau sy'n gysylltiedig iddynt, ac unrhyw ran ohonynt.

golyga'r 'harbwr feistr' yr harbwr feistr benodwyd gan y Cyngor, ac unrhyw berson arall a benodwyd gan y Cyngor dan ddarpariaethau Gorchymyn Awdurdodaeth Harbwr Aberdyfi 1972 neu y Ddeddf basiwyd yn 1797 ac a nodir yn Adran 36(2) o Ddeddf Cyngor Dosbarth Dinesig Abermaw 1929, er sicrhau cadw'r is-ddeddfau hyn, ac ei neu eu cynorthwywyr awdurdodedig;

golyga 'hofranlong' gerbyd sydd wedi ei gynllunio i'w gynnal yn llwyr neu yn rhannol pan yn symud, gan aer a fwrir allan o'r cerbyd sydd yn ffurfio clustog ac sydd a'i ffiniau yn cynnwys tir, dwr neu arwynebedd arall dan y cerbyd;

golyga 'cerbyd modur' unrhyw gerbyd ar olwynion neu gerbyd gosod trac a yrrir gan ager neu drwy gyfrwng trydan neu fecanyddol neu gemegol gan gynnwys hofranlong pan ar dir, beiciau modur, a threisi-clau.

golyga 'cwch pwer-yriedig' unrhyw gwch a yrrir gan beiriannau;
golyga 'cwch cyflym' unrhyw gwch neu long fechan a yrrir gan bwer mecanyddol,
naill ai'n uniongyrchol neu'n anuniongyrchol, a chyda modur mewnfwrdd neu
allfwrdd a chyflymdra posibl o 15 morfilltir yr awr mewn dwr llonydd;
golyga 'ar ei ffordd' pan fydd cwch heb ei angori neu heb ei sicrhau i'r
lan neu'r traeth, ond sy'n cynnwys cwch yn symud yn ôl a blaen yn yr harbwr
gan lusgo'i hangor ar y gwaelod;
golyga 'cerbyd' unrhyw gerbyd ar olwynion neu sut bynnag eu gyrrir gan
gynnwys beiciau a threisi-clau;
mae 'cwch' yn cynnwys unrhyw gwch, llong, bad dadlwytho, cilfad, cwch, rafft,
pontwn, neu unrhyw fad arall sut bynnag y'i mordwyr, y'i symudir neu y'i
gyrrir ymlaen, unrhyw awyren môr yn symud ar wyneb y dŵr, ac unrhyw hofranlong
ar neu dros y dŵr. Bernir i awyrennau môr pan yn codi neu ddisgyn ar y dŵr
fod ar wyneb y dŵr tra mewn cysylltiad ag ef.

Is-Ddeddfau Perthnasol i Angori Cychod

4. Ni all unrhyw berson osod neu beri bod angorau'n cael eu gosod yn yr harbwr ar gyfer unrhyw gwch, heb yn gyntaf dderbyn caniatad ysgrifenedig yr harbwr feistr, ac yn unol ag amodau y caniatad hwnnw.
5. Dylai perchennog offer angori eu harchwilio'n flynyddol, fel ag i sicrhau eu bod yn gweithio'n foddhaol, a dylai hefyd anfon trwydded i'r perwyl hynny i'r Cyngor pan yn gwneud cais am ail ddsbarthiad o'i angorfa.
6. Dylai meistwr cwch ofalu ei bod yn cael ei angori yn ddiogel, ac yn y fath fodd, ac mewn rhan o'r harbwr a nodi'r gan yr harbwr feistr o bryd i'w gilydd.
7. Onibai iddo gael awdurdod ysgrifenedig i wneud hynny, neu dderbyn gorchymyn i wneud hynny gan yr harbwr feistr, ni ddylai meistwr cwch ei sicrhau i unrhyw gwch arall nac wrth angorfeydd eraill.

Is-Ddeddfau Perthnasol i Fordwyo

8. Rhaid i feistr cwch fordwyo neu ofalu bod y cyfryw gwch yn cael ei mordwyo yn ofalus ac yn y fath fodd fel na fydd yn achosi perygl i neu achosi niwsans neu gythruddo defnyddiwr cychod eraill nac i beri difrod i unrhyw gwch arall, angorfeydd neu i eiddo arall o fewn neu o gwmpas yr harbwr.
9. Ni ddylai meistwr cwch dros 3.5 metr o hyd adael iddo ddrifftio yn unrhyw ran o'r harbwr ag eithrio mewn argyfwng.
10. Dylai meistwr unrhyw gwch a suddodd yn yr harbwr rybuddio'r harbwr feistr o hyn ar unwaith gan nodi lleoliad y cyfryw gwch.
11. Ni ddylai meistwr cwch ei defnyddio, neu ganiatau, cydsynio neu oddef iddi gael ei defnyddio i dreillio neu bysgota arall gyda rhwyd, neu i gastio lein bysgota mewn unrhyw ran o'r harbwr fel ei fod yn berygl neu'n debygol o fod yr berygl neu rwystr i gychod fordwyo yn yr harbwr, ac i'w ddefnyddwyr, ac i unrhyw berson neu bersonau sydd yn gyfreithlon o fewn ffiniau'r harbwr.
12. Ni ddylai meistwr awyren fôr neu hofranlong achosi na chaniatau i'w awyren fôr neu hofranlong fynd i fewn i'r harbwr ond gyda chaniatad yr harbwrfeistr, ac yn unol a thelerau'r caniatad hwnnw.

13. Ni ddylai meist'r achosi na chaniatau i'w gwch deithio ar gyflymder o fwy na 5 milltir forwrol yr awr drwy'r dŵr rhwng y lan a'r bwiau marcio cyflymder. Ni fydd yr Is-Ddeddf hon yn gymwys i unrhyw gwch ar unrhyw achlysur pan ei defnyddir i bwrpas yr heddlu i ymladd tân neu i achub ac mewn amgylchiadau lle y byddai cyfyngu cyflymder o'r fath yn debygol o rwystro defnyddio'r cwch i'r pwrpas y defnyddid ef ar yr achlysur hwnnw.

14. Ni chaiff unrhyw berson achosi ras, ras gychod, neu orymdaith gyhoeddus i gymryd lle yn yr harbwr heb ganiatad ysgrifenedig yr harbwr feistr, ac yn unol a thelerau'r caniatad hwnnw.

15. Rhaid i feistr cwch pwer-yriedig sicrhau ei fod yn rhoddi ffordd i gychod dan hwyliâu, a chychod rhwyfo a rhaid i gychod cyflym gadw'n glir o gychod rhwyfo. Fe-gymhwysir y Rheolau Gwrthdrawiad oni bai y gorchmynir yn wahanol gan yr Is-Ddeddfau hyn.

Is-Ddeddfau Perthnasol i Lansio a Thynnu Cychod Allan

16. Ni chaiff unrhyw berson dynnu allan neu lansio cwch o fewn ffiniau'r harbwr heb ganiatad yr harbwr feistr, ac yn unol ag unrhyw gyfarwyddiadau roddwyd ganddo.

17. Ni ddylai perchennog achosi na chaniatau i'w gwch orwedd ar y tir o fewn yr harbwr heb ei fod wedi derbyn caniatad ysgrifenedig yr harbwr feistr ymlaen llaw.

Is-Ddeddfau Perthnasol i Gerbydau yn Harbwr Aberdyfi

18. Ni chaiff unrhyw berson yrru cerbyd modur ar gyflymdra a fwy na deng milltir yr awr o fewn ffiniau'r harbwr.

19. Ni ddylai unrhyw berson, heb fod yn gyntaf wedi derbyn caniatad ysgrifenedig y Cyngor, ddod a charafan neu ôl-gerbyd o fewn ffiniau'r harbwr ac eithrio cerbydau neu ôl-cerbydau a ddefnyddir i gludo cychod neu gyfarpar ar gyfer cychod o'r fath.

20. Ni ddylai unrhyw berson achosi'n ymwybodol i gerbyd ddod neu aros o fewn ffiniau'r harbwr heb ganiatad y Cyngor, ac yn unol a thelerau'r caniatad hwnnw.

21. Rhaid i bob person ddaw a cherbyd o fewn ffiniau'r harbwr ufuddhau i bob cyfarwyddyd awdurdodedig roddir gan yr harbwr feistr, a chydymffurfio gyda phob arwydd a chyfarwyddiadau a ddangosir mewn perthynas a pharcio a symud traffig foduro, a thalu'r prisiau a godi'r gan y Cyngor.

22. Ni chaif unrhyw berson yrru cerbyd modur mewn unrhyw fan o fewn ffiniau'r harbwr yn y fath fodd fel pe byddai'r cerbyd, - heb fod yn hofranlong, - yn cael ei yrru ar ffordd neu fan cyhoeddus arall o fewn ystyr Deddf Traffig y Ffyrdd 1972, os gwneir hyn, byddai'r person yn emog o drosedd dan Adran 2, Adran 3 neu Adran 5 neu Adran 6 o'r Ddeddf a enwyd.

Is-Ddeddfau Perthnasol i Awdurdod Harbwrfeistr

23. Ni ddylai unrhyw berson ag eithirio pan mae ei gwch ynghlwm, yn cael ei llwytho neu ei dadlwytho, adael unrhyw gerbyd, ôl-gerbyd celfi, nwyddau neu gyfarpar ar yr harbwr heb yn gyntaf fod wedi derbyn caniatad yr harbwr feistr.

24. Gall yr harbwrfeistr, trwy ddangos rhybudd mewn man amlwg yn ardal yr harbwr, ragnodi unrhyw ran o'r harbwr i'w ddefnyddio gan ddsbarth arbennig o gwch, a bydd meist'r neu berchennog unrhyw gwch o ddsbarth arbennig arall fydd yn mordwy, angori, neu ei sicrhau yn y rhan a ragnodwyd, yn enog o drosedd.

25. Gall yr harbwrfeistr trwy ddangos rhybudd yn ardal yr harbwr gyfyngu'r oriau - ag eithrio mewn argyfwng - pan all meist'r neu berchennog unrhyw gwch angori neu sicrhau ei gwch neu ei chwch mewn unrhyw ran o'r harbwr, a bydd meist'r neu berchennog fydd yn sicrhau neu angori ei gwch tu allan i'r oriau hyn yn enog o drosedd.

Is-Ddeddfau Cyffredinol

26. Ni ddylai unrhyw berson yn fwriadol, rwystro, atal, aflonyddu neu ymyrryd yr harbwrfeistr, neu swyddog arall, gwas gweithiwr neu asiant y Cyngor, pan yn cyflawni eu dyletswyddau o fewn yr harbwr.

27. Ni all unrhyw berson, heb ganiatad yr harbwrfeistr, reidio neu reidio beic neu dreisiclau neu sglefrwrdd o fewn ffiniau'r harbwr.

28. Ni chaiff unrhyw berson arllwys sbwriel neu hylif niweidiol o unrhyw fath a allai achosi llygriad, gan gymryd bob amser na fydd unrhyw beth yn yr is-ddeddf hon yn gymwys i arllwys neu ollwng unrhyw ddefnydd arall sydd yn wrthrych i ddarpariaethau Deddf Atal Llygriad Olew 1971.

29. Ni chaiff unrhyw berson, pan o fewn ffiniau'r harbwr chwarae unrhyw offeryn cerdd, offeryn swnllyd, ganu neu weithredu, neu yn ymwybodol achosi neu ganiatau defnyddio radio, gramaffon neu ddarseinydd, neu wneud unrhyw swm arall a fydd yn debygol o achosi niwsans i unrhyw berson yn y gymdogaeth

30. Ni all unrhyw berson, onibai ei fod wedi derbyn awdurdod ysgrifenedig gan y Cyngor, gario ymlaen o fewn ffiniau'r harbwr unrhyw fasnach neu fusnes, neu werthu neu gynnig fel ar werth unrhyw fwyd, diod, nwyddau neu farsiaeth o unrhyw ddisgrifiad.

31. Ni chaiff unrhyw berson o fewn ffiniau'r harbwr chwarae gem beryglus neu ffiaidd, neu weithgaredd arall o unrhyw fath ac mewn modd fyddai'n rhwystro traffig neu achosi perygl neu niwed i unrhyw berson.

32. Rhaid i feistr unrhyw gwch pwer yriedig, tra mae'r cwch yn yr harbwr, ofalu ei bod yn cario - mewn manau hawdd mynd atynt - nifer digonol o ddiffoddwyr tân o'r math syn addas i ddiffodd tannau olew neu betrol, gan gynnwys o leiaf un diffoddydd o'r math CO² 'Halon' neu 'Foam'.

33. Gall yr harbwrfeistr ofyn unrhyw adeg i feistr cwch o fewn yr harbwr ddangos iddo dystiolaeth o yswiriant gyda pherson neu gyriff o bersonau awdurdodedig dan Adran 3 neu 4 o Ddeddf Cwmnïau Yswiriant 1982 neu dan ddeddfau Gwlad arall sy'n aelod o'r Gymuned Europeaidd i gario allan fusnes yswiriant o'r dosbarth priodol, neu gyda aelodau o Lloyd's, yn erbyn difrod i drydydd parti yn codi o neu mewn cysylltiad a defnyddio'r cwch yn yr harbwr.

Gofalu Rhag i Nwyddau etc. Syrthio i Ddyfroedd yr Harbwr neu Eiddo'r Cyngor

34. Rhaid i feistr cwch a pherson sydd yn ymgymryd a llwytho cargo neu ddadlwytho cargo oddiar gwch, ddefnyddio neu achosi defnyddio dulliau fel a gyfarwyddodd yr harbwrfeistr fel ag i rwystro unrhyw gargo, balast, neu nwyddau eraill rhag syrthio neu ddianc i ddyfroedd yr harbwr, neu ar eiddo'r Cyngor.

Gwaherddir Taflu Sbwriel i Ddyfroedd yr Harbwr

35. Ni chaiff unrhyw berson daflu i ddyfroedd yr harbwr unrhyw sbwriel neu ddefnyddiau o unrhyw fath neu eu gosod yn y fath fodd fel y gall ddisgyn, chwythu neu ddrifftio i'r harbwr.

Troseddau

36. (1) Bydd unrhyw berson fydd yn torri neu fethu ufuddhau i unrhyw un o ddarpariaethau'r is-ddeddfau, yn agored ar gollfarn ddi-annod i ddirwy o ddim mwy na £50.
- (2) Lle cyflawna unrhyw berson drangwydd dan yr is-ddeddfau hyn oherwydd gweithred neu ddiffyg rhyw berson arall, bydd y person arall yn euog o'r trangwydd a gall person ei gyhuddo a'i gollfarnu o'r trangwydd trwy rinwedd y paragraff hwn, hyd yn oed os bydd achosion am y trangwydd dan yr is-ddeddfau hyn yn cael eu dwyn yn erbyn unrhyw berson arall a'i peidio.
- (3) Mewn unrhyw achosion o drangwydd dan yr is-ddeddfau hyn, bydd yn amddiffyniad i'r person a gyhuddir i brofi:-
- (a) iddo gymryd pob gofal rhesymol a gweithredu pob diwydrwydd i osgoi cyflawni trosedd o'r fath; neu
- (b) fod ganddo reswm digonol dros ei weithred neu fethu gweithredu.
- (4) Os mewn unrhyw achos bod yr amddiffyniad a ddarperir gan baragraff (3)(a) o'r is-ddeddf hon yn cynnwys yr honiad bod y drosedd wedi ei chyflawni drwy weithred neu ddyfig person arall, ni chaiff y person, heb ganiatad y Llys, bod a hawl i ddibynnu ar yr amddiffyniad, onibai, o fewn cyfnod yn terfynu saith niwrnod clir cyn y gwrandawriad, iddo gyflwyno i'r erlynydd rybudd ysgrifenedig yn rhoddi gwybodaeth fydd yn adnabod neu yn cynorthwyo mewn adnabyddiaeth o'r person hwnnw fel ag yr oedd yn ei feddiant ar y bryd.

Arbedion i'r Goron

37. Nid oes dim sy'n gynnwysedig yn unrhyw un o'r is-ddeddfau uchod a ystyrir ei fod neu'n gweithredu fel caniatad gan neu ar ran y Goron fel perchennog y blaendraeth a gwely'r mor sy'n is na phen llanw, unrhyw stad neu ddiddordeb ar neu dros y blaendraeth a gwely'r mor neu unrhyw ran ohono,

ac na fydd unrhyw beth sy'n gynnwysedig yn, neu a wnaed dan ddarpariaethau'r is-ddeddfau uchod mewn unrhyw ffordd yn effeithio'n niweidiol neu ragfarnllyd yn erbyn diddordebau'r Goron yn y blaendraeth neu wely'r mor, neu rwystio ymarfir arno unrhyw hawliau cyhoeddus neu effeithio'n niweidiol neu ragfarnllyd unrhyw hawl, awdurdod, neu fraint a ymarferwyd yn gyfreithiol gan unrhyw berson dros ac ynglyn a'r cyfryw un.

Arbedion i Awdurdod Dwr Cymru

38. Ni all unrhyw beth sy'n gynnwysedig yn yr is-ddeddfau uchod effeithio a'r ddarpariaethau amddiffynol Awdurdod Dwr Cymru fel a nodir yn Adran 112 o Ddeddf Draenio Tir 1976.

Rhoddwyd dan Sel Gyffredin Cyngor Dosbarth Meirionnydd y
dydd o un mil naw cant wythdeg pump

Gosodwyd yma Sel Gyffredin
Cyngor Dosbarth Meirionnydd ym
mhresenoldeb:

Cadeirydd

Prif Swyddog Cyfreithiol